

¡BOMBA!

Hay temas para desechos
mas realidades abruman:
riesgos, violencias son hechos
que en nuestras planas se suman



K'uintsil

Martes 29 de octubre de 2024

CAMPECHE · YUCATÁN · QUINTANA ROO · AÑO 10 · NÚMERO 2351 · www.lajornadamaya.mx

Chíimpolta'ab u kúuchil Palacio de Bellas Artes tumen Academia de Artes Escénicas tu noj lu'umil España

Efe / p 19
Oochel jusaeri



U kúuchil Academia de Artes Escénicas ti' u noj lu'umil Españae' tu k'ubaj jump'éeel u medaaysil oro ti' u kúuchil Palacio de Bellas Artes yaan tu noj kaajil Ciudad de México, liik'saan yóok'ol u yúuchben kúuchil Teatro Nacional, ts'óoke' tu jó'ol 90 ja'abo'obe' láayli' u beeta'al jejeláas u ye'esajilo'ob balts'am, óok'ot, ballet, ópera, ichil uláak'óob.

Le jk'u'ubo', jump'éeel ti' le ukp'éeel medaayáas yaan u ts'aabal tumen u academiail España le 4 ti' noviembre ku taala', tu noj kaajil Valladolid, tu súutukil u chíimpolta'al u noj ba'alo'ob mola'ayo'ob, beyxan ajpatjo'ol máako'ob yéetel aj-its'ato'ob yaan ba'al u yil yéetel artes eseenikáas, jts'a'ab k'ajóoltbil le lunes máanika'.

Je'el bix u kúuchil Palacio de Bellas Artes de Ciudad de Méxicoe', yana uláak' kúuchilo'ob kun k'amik u chíimpolalil je'el bix Festival Iberoamericano del Siglo de Oro, tu baantail Madrid yéetel u kúuchilo'ob balts'am Romea yéetel Calderón, tumen ts'o'om maanal siglo y medio

kuxlako'ob tu noj kaajilo'ob Barcelona yéetel Valladolid.

Uláak' jump'éeel kúuchil kun k'amik chíimpolale', Teatro Soho táakmuk'ta'an tumen Antonio Banderas; je'el bix xan Teatro Palacio Valdés de Avilés; yéetel u múuch'il La Zaranda, de Jerez de la Frontera, láayli' ti' u noj lu'umil España.